

OPTIEK
Oranjestad
San Nicolas

Spritzer
Fuhrmann

ARUBA ANSE COURANT



Diario



pa Aruba

TRY.....

Tropical Cherry
a fine NEW softdrink
from
Tropical Bottling Co.
call 1773

Schlitz

The Beer That
Made Milwaukee Famous

Nr. 3394

ANJA 20

Reunion di Eilandsraad (1)

Prome Mainta A Ser Presenta E Prome Rondu Dje Discusionnan General Respecto Begroting '59

Problemanan grandi di actual ta construcion di schoolnan y lucha contra e desocupacion

ORANJESTAD: — Diferente dje miembran cu a jega laat a causa cu e reunion di Eilandsraad pa atende e begroting pa '59 a cuminsa mas di trinta minuut despues di ora. Ora cu president E. Arends a habri e conferencia pa 9.32 or, tabata ausente ainda e fraccion completo di AVP y di parti di P.P.A. tabata falta senjores P. Craes, Lope Beaujon, C. Angela, M. de Cuba, I. Faneyte y J. M. Leonard. E ultimo tresnan afortunadamente a jega poco mas laat toch. Tabata presente tambe casi binti hefenan di dienst y di departamentonan, tambe 12 cabezante di schoolnan riba e tribuna publica cual por la demas tabata desocupa. Ta claro cu e hefenan di schoolnan tabata hopi interesa den e plannan pa school cu e fl. 700.000,— cual B.C. a anuncia algun dia pasa.

Despues cu e prome puntanan riba agenda a ser acepta sin ningun protesta nan a dicidi pa atende e begroting pa e Territorio Insular prome cu e begroting di watervoorziensdienst y di D.O.W.

Tabata senyor Werleman di fraccion di U.N.A. kende a habri e discusionnan tocante e begroting.



A. Werleman (U.N.A.)
tur reservan a ser usa caba...

E la cumisa cu expresa su sintimentonan pa motibo cu e begroting dje anja aki a jega den man dje miembran di Raad cuater luna despues di tempo y e ta spera cu B.C. lo percursa pa e fenomeno aki no ripiti mas den futuro. E ta sigui:

Tocante e begroting mes cu ta nos dilanti, nos ta jega na e conclusion cu despues dje begroting cu sumanan grandi di tabata worde clacula pa diferente proyectonan, awor di repente nan a pone un fin na esaki, y ta realisa nan mes awor noma cu nan a traha muchu den un solo direccion. Semper nan a vota sumanan grandi pa proyectonan grandi, di manera cu casi no tin mas proyecto riba e begroting aki, mas peor no tin medianan disponible pa enfrente diferente problemaman di urgencia cu nos tin nos dilanti awor.

E situacion financiero di Aruba, notando e uso di nos reservas ta hopi critico. Mes critico ta e diferente problemaman di ensenjanza, entre otro, falta di lugarnan na schoolnan practicamente den tur e districtonan.

No na ultimo lugar falta di lugar den tur e schoolnan den e districtonan ta un dje problemaman di urgencia, pero tambe e cantidad di hendenan sin trabao na Aruba ta duna dolor di cabez. E situacion aki ta bira peor, motibo cu Lago tambe poco-poco pero algur ta klandando hende. (veldruk Red.)

Awor cu e proyectonan grandi ta legando na nan terminacion, e problema aki lo no bira menos. Tampoco ora cu esnan cu a caba school di MUJO y AIS presenta pa busca trabao. Al contrario!

Pero mas peor cu tur cos ta e situacion precaria di nos finanza. B.C. ta mira algun posibilidad pa aumenta e entrada, sin previsionnan particular? Nan ta spera mas entrada dje Winstbelasting, Inkomstenbelasting of dje parti cu ta pertenece na Aruba dje placan cu ta drenta di derechonan di In-uit-en Doorvoer?

Al contrario di Aruba, Corsow tin diferente otro companianan grandi cu a invista placa, y cu ta establece aya durante ultimo anjanan. Cuanto compania nobo a establece na Aruba? Ma-sha poco, segun mi. Pero podiser B.C. por duna nos algun informacion mas tocante esaki.

Afin pa combati e asunto di hendenan sin trabao mas liher cu ta posibel, nos fraccion despues dje reunion aki lo propone un mocion pa suplica Bestuurs College pa busca medio pa duna trabao na 300 hombra.

Senyor Werleman di U.N.A. ta continua su discurso haciendo e pregunta na B.C. kiko ta di e asunto di "Zona Libre"? Si B.C. por duna un explicacion pakiko companianan estranhero tin poco interes asina pa establece na Aruba? Tin algu na Aruba cu ta spant nan? Of Aruba no ta suficiente conociendo? Of tin algun otro motibonan?

B.C. por informa kiko ta e problemaman tocante e asunto di industria petrolero na Antillas, en particular pa Aruba?

Tocante luznan pa e Boulevard, pakiko B.C. no por laga esaki pa despues. Tin hopi casonan mas urgente cu e luznan riba boulevard.

Tocante reglamento di salario dje ambienanar chikito, kiko ta di nan request?

Tambe tin desatisfaccion den salarionan di juffrouwan di frobelschool. Awor cu na Corsow nan a priminti un arreglo mihor pa e personal menciona, nos ta suplica na B.C. pa tene mes un cuenta pa un arreglo pa Aruba.

Texas Furniture Store

VOOF

Zitkamerameublementen

Tambe tin reclamacion general tocante arreglo di vacante. E ambienanar chikito ta esnan cu ta sufi mas trobe. Otro pregunta, pakiko un ambienanar chikito ta obliga di pasa su dos luna di verlof den estranheria, en cambio nan tin apenas suficiente mieda pa biba.

En cambio cu e placa aki nan por traha un casita, of amortiza hypotheca di nan cas, of otro asuntunan util. E asunto di pagamentu di vacante tampoco no ta satisfactorio, pakiko nan no por ricibi nan pago en bruto ora cu nan ta bai cu vacante, y no mester di bai cobra tur fin di luna, durante nan vacante. Esaki ta regla asina na Lago y tur otro entidada caba.

Siguiente asunto: Awor ta asina leuw cu henter Aruba tin conexon cu awa di pipa, of cu denter di poco tempo lo tin esey. Esaki kier meen, cu un dje prome necesidatnan na Aruba a keda solucionada, y nos ta contentu cu nos por a proyecta e plannan aki anteriormente. (veldruk Red.)

Sin embargo tin otro necesidad mas. E pueblo kier mas corrient. Con pur ta cu ainda ELMAR ta laga hopi lugar sin luz? Mas lugur cu luz, mas negoshi! Mi no por comprende con nan ta tarda tanto asina cu esey.

Con ta para cu e piscudornan, dia pa dia nan trabao ta bira mas trabahoso, kiko ta e plannan pa nan? No por a pone motornan den nan boto?

Por lo demas mi kier dedica algun pregunta tocante e obreronan di gobierno. Esakinan ta hanja nial trato. Si un hende di nan ta malu, ta nan mes mester paga tur e gastunan. Na Lago nan no gonoce e cos aki. Tur hende ta hanja e mes un trato, di peon of yardenan, te na supervisor of otro hefenan, tur tin ayudo pa nan familia den asunto di doktor etc. Tambe un pensioen chikito por worde regla pa e hendenan aki?

Por ultimo sr. Werleman a papia tocante e asunto di placan cu ta worde

paga na Land, si esaki pa futuro no por bira mepos.

Segun e arreglo actual Aruba ta contribui na Land casi fl. 2,066.100. Mientras antes e suma aki tabata unicamente fl. 1.2 miljon. Pa drecha e situacion financiero mi kier a propone na B.C. pa baha e porcentahe di contribucion aki di Aruba y Corsow pa e prome tres anjanan venidero. Mi ta kere cu esaki ta mas cu razonable, pasobra Aruba y Corsow mes ta den dificultad di placa actualmente (veldruk Red.)




Francisco Wernet (U.N.A.)
un lugur manera Brakapoti pa Aruba

Siguiente orador, tabata senyor Francisco Wernet, kende ta haciendo su debut den Raad — ta poco dia anterior durante ultimo reunion — e la drenta Raad na lugar di F. B. Tromp — segun su discurso e la duna prueba di tin un bon bista riba e asunto en general y di poseer interes dje encargo di un representante di pueblo. Entre otro e la bisa lo siguiente:

„Lo mi no bai mas aleuw den puntanan cual a worde trece padilanti caba, unicamente tocante e punto di ensenjanza mi kier a bisa algun cos.“ Y e ta trece siete punto sumamente interesante padilanti.

Un di nan tabata refiri na Brakapoti (Brakkeput di Corsow) opinando cu participacion na nos school tecnico aki ta masha limita, cu ta solamente muchanan cu inteligencia mas desarroya ta worde acepta na e school aki. En cambio na Corsow na Brakapoti e muchanan ta hanja lesnan pa 90 porciento practico. Nos mester por produci bon mesla, bon carpinte, bon snieu, mecanico, etc. Nos ta propone pa B.C. tuma na consideracion un sistema di school manera na Brakkeput di Corsow.



Osbaldo Croes (P.P.A.)
Muchanan di menor di edad no por bai cine mas...

E prome orador di P.P.A. tabata Sr. Osbaldo Croes. E la cuminsa cu duna su satisfaccion di manera cu B.C. di Aruba a dirigi tur e asuntunan durante ultimo anjanan. Nan mes no por a sonja di a mira tantu fruta asina di nan trabao. Tristu e ta hanja e conducta di oposicion, cu ta menosprecia tur proposicionnan, con bon cu nan ta, en cambio nan mes nunea ta bini cu algu eonstructivo. Especialmente A.V.P. Sr. Croes ta hanja ta comportele criticamente, for di nombramento di un tijdelijk Gezaghebber nunca mas nan a atende un reunion.

„Nan ta keda persisti cu T.G. no ta existi, interes dje isla no ta interesa nan, esey ta tur e asunto, senyor president.“ Esaki segun senyor Croes den su atake fuerte contra A.V.P. E tabata contentu cu apesar di tur e

contratiemponan di partidonan di oposicion, e partido di P.P.A. lo sali triunfante trobe den e eleccionnan venidero pa Eilandsraad.

E la menciona e posicion di senyor Porfirio Croes, — un ex-partidario — y ora cu orador kier a cuminsa cu lunza un chiste papiando tocante Porfirio R., despensa mi kier meen Croes. President a interumpiele, suplicando pa papia unicamente tocante e asunto di begroting.

Despues esaki e ta bini cu su lista di deseenan: E ta puntra kiko ta e instrucion dje Hefe di D.O.W., e la puntra tocante esaki un biaha caba durante un reunion di Eilandsraad di 3 di februario 1958, pero te cu awe, ainda e no a hanja ningun contestacion.

E ta puntra tambe, ki tempo nan lo mira e concept di Raad tocante asunto di bahamento di prijs di awa? Con ta para cu e asunto di pensioen di viudanan? Pa turismo e ta propone pa traha un caminda, aunque ta di azeta, di San Nicolas, via Fontein pa Boca Prins. Tambe instalacion di algun holoshi na diferente caminda den cayanan. Por lo demas e kier mira algu haci na e aerodromo den Lagoville, cu 12 anja largu ta spera caba, na Savaneta, drecha e caminda cu ta bai di misa di Brasil pa Mabon, entradanan di Gen. Maj. De Bruynewijk. Mas lugur pa parkeer auto na San Nicolas. Segun orador mester di un brug nobo pa Spaanse Lagoen. Tabata tristu tambe den diferente dje distritonan e situacion di electricidad.

„Mi no ta dispuesto pa acepta ningun excusa di ELMAR den e caso aki.“ e ta continua. „Mi tin sigur cu esaki ta pa falta di atencion di Elnar“. Mi ta suplica B.C. pa haci contacto cu ELMAR mas liher cu ta posibel, specialmente mi ta hala atencion di nan pa corrient pa Ayo y Paradera y den direccion di Seroe Patrishi.

Ainda e orador tabata partidario pa un telefon central na Santa Cruz. Tambe asunto di cine pa muchanan e ta contra cu muchanan di menor di edad ta bai cine anochi. Tocante e problema di school e tabata masha cortico: Despues cu Raad bishita e schoolnan y cu nan a ricibi raportnan, e lo bolbe riba e asunto aki mas detalla.


F. R. V. LACLE (P.P.A.)

E orador aki tabata masha cortico. Despues di a expresa su deseo cu senyor Arends lo ta presidente di Raad pa hopi anja largu, despues di algu palabranan di elogio na direccion di S.E. Ministro J. E. Yrausquin e la bini cu su deseenan: Un principio rapidamente cu trahamento di caminda pa Meiveld. Un residencia pa un dokter na Paradera. Un telefon publico pa Paradera. Su otro deseenan a worde expresa caba door di oradornan prome cu ne.

A. L. W. WINGAARDE (P.P.A.)

E surinamo carinioso aki ta opina cu B.C. mester sigui riba e paso cu

e ta bai, locual tin su aprobacion completo. Unicamente e ta hanja cu B.C. ta tarda un poco pa contesta diferente preguntanan cu sa worde haci door di representantenan. Aki den e kier a mira algu mehoracion.



Fabian Kelly (P.P.A.)

baha salarionan di maesternan di school.

Orador Fabian Kelly ta menciona entre otro e dificultadnan di falta di lugarnan pa schoolnan, tambe di hendenan sin trabao, e ta spera cu nan lo haci tantu posibel pa drecha e situacion aki. Tambe e ta hanja cu tin muchu auto sin necesidad na diferente dje departamentonan. Te hasta tin personal tecnico cu tin auto 24 ora pa dia den nan poder, esaki ta di mas.

Mi ta spera cu nan lo baha e cantidad di autonnan den uso di lugarnan di gobierno mas liher cu ta posibel.

E ta hanja cu e sistema di ensenjanza ta poco costoso, mester busca manera pa mas eficiencia.

E ta puntra tambe cu tin tres anja cu nan a suplica pa tene e reunionnan aki na papiamento, e hendenan lo por atende na e reunionnan mas mihor y nan lo comprende mas facil loke ta worde haci. Tambe e oradornan por expresa nan mes mihor den Raad.

(veldruk Red.)

Ensenjanza ta guli un gran parti dje capital dje begroting. Laga nos bai poco mas cu cuidao cu salarionan dje maestronan. Ademas e schoolnan no tin mester ta traha asina lujo, construi nan poco mas simpel.

(E ta sigi na pag. 2)

FATUM — Tel.: 1845
Pa tur bo aseguronan

„Statendam“ ta bini Aruba

ORANJESTAD — Di parti di S. E. L. Maduro & Sons (Aruba) N.V. nos a worde informa cu e bapor „Statendam“ di Holland America Line pa cual eun ta agente na nos isla, lo bishita Aruba 29 di November proximo yen di turista abordo.



Hr. Ms. „Karel Doorman“ ankra dilanti di haf na O'stad.

Avionnan Di „Karel Doorman“ A Anuncia Su Jegada

Ankra na un lugar cu tur hende por a mirele bon toch

ORANJESTAD: — Siete Avengers y poco rato despues seis Seahawks a rouca pasa riba nos isla net 2'or y mei ayera tardi pa prome biaha. Nan a ripiti e vuelonan aki diferente biaha mas, y asina a anuncia jegada di e portavion Hr. Ms. „Karel Doorman“ na Aruba. Na e momento ayi e bapor mes tabata na un bon distancia ainda y apenas e hendenan tabata hanjele mira, pero poco-poco e tabata jega serca te cu e avionnan a baha abordo trobe. Pa mas o menos cuat'or e bapor a tira su ankra poco pafor di rif, net enfrente di Bestuurskantoor na Oranjestad.

Ta lastima cu e no por a mara na waf, ma toch e comandant capitan H. M. F. L. E. van Oostrom Soede a escohe un lugur na unda e pueblo di Aruba tabata un bon bista riba e sedoso grandi.

Hende a jena riba e boulevard dje momento ayi, y ora cu e botonan a cuminsa cu nan comunicacionnan di waf p'e bapor, mas y mas hende tabata jega acera. Mas pafor den un distancia „Van Speijk“ tabata patrulla.

Ayera nochi pa 8.30 'or e recepcion abordo a cuminsa. E invitadonan cu mester a worde transporta cu e boto, chikitanan di waf pa abordo, entre nan tabatin cu a pasa un rato jen di susto ora cu nan mester a salta dje boto chikito pa e trapi di „Doorman“.

Awe tardi grandioso pic nic

Picnicnan culminante dje bishita durante e dia ta: Un ronditi parti mainta pa e fotografonan, organisa door di International Seamen's Club, ronditi anex picnie na Eagle Beach pa e marinieran, comemento pa e comandante y oficialnan di „Doorman“ ofresi pa e comandante di mariniers na Aruba y pa dos'or otro ronditi cu un picnic grandi na beach. Diarazon mainta „Doorman“ ta sali pa Corsow trobe.

Di Diamars 3'or y mei te seis'or tin ocasion pa personanan riba 16 anja por bishita e bapor „Karel Doorman“. Diarazon mainta pa 8'or y mei lo tin dos Avenger y dos Seahawk pa algun ora na vliegvel Prinses Beatrix, na unda e publico por mira nan for di un distancia.

Wega contra Saprissa ta definitivo

(Di nos sportreporter)

OSTAD: — Confirmacion a worde ricibi door di directiva di A.V.B. en conexon cu e partido contra di e oncenca campeon di Costa Rica Deportivo Saprissa. Manera ya nos a menciona e famoso club tico aki lo bai haci un jira casi rond di henter mundo.

E oncenca ta worde forma door di mayoria di hungadornan cu ta forma e seleccionado fuerte di Costa Rica. Den esakinan esunnan cu mas ta destaca ta e keeper Mario „Flaco“ Perez, Mario „Catali“ Cordero, y e midvoor Hernan „Cunty“ Monge. E delantero Murillo

tambe ta uno cu den hopi ocasion a forma parti den e oncenca nacional di Costa Rica.

E delegacion ta hiba un representante di prensa, e conocido critico Luis Cartin. Despues di hunga dia 31 di maart na Corsow, Saprissa lo bishita pa nos isla, caminda dia 2 di april nan tin un compromiso contra di e seleccion arubano.


Sin duda alguna esaki lo ta un di e mihor equiponan di futbol cu jamas a yega nos isla. Pesei for di awor nos ta conseha tur amante di deporte pa tene e anochi di dia 2 di april liher pa bai presenciar e estrellanan di Costa Rica den accion.

Den e mes un edicion aki nos ta publicu un foto di henter e delegacion costaricense cu lo bai e gira.



Na rudia di r.p.dr.: Luis Cartin, representante di prensa, Alex Sanchez, Rigoberto Rojas, Alvaro Murillo, Danilo Montero, Hernan Monge, Marvin Rodriguez, Rodrigo Pacheco y Fernando Rjas, tesorero y delegado. Para di r.p.dr.: Fritz A. Leer, manager, Rodolfo Herrera, Edgar Quesada, Guillermo Hernandez, Carlos Vivo, Tulio Quiros, Mario Perez, Eduardo Viso, entrenador, Juan de Dios Nunez, Ruben Jimenez, Mario Cordero, Givani Rodriguez y Oscar Bejarano.

AIR CONDITIONING



Rosemarie
Rosemarie.
Mi ta lesa tur Diamars con bo t
yuda bo amiganan cu scibi bo, pese
Rosemarie mi tin un confianza cu b
por yuda mi. Mi tin 28 anja. Dia
tabatin 13 anja un joncuman a ganj
mi. El a laga mi el a bei casa cu u

Rosemarie, mi ta birando bieuw i mi
no tin honor, mi ta comprende cu mi
ta lokia pero con mi mester haci pa
mi drecha? Si no mi ta keda perdi. Bo
amiga,

Lisa.

Lisa,
Mi amiga, bo no mester papia co

met vertrouwen te geven
en met trots te bezitten

Palais Royal

PARKER 61 - PARKER "51" - PARKER "55"

Aruba N.V.

AKER SUPER '21'

Jehova
actividad en Rusia a
aumenta

MOSCU, 23 Maart. — E coran
ruso „Prawda“ a informa cu activi
dadnan dje secta religioso mericano
cu ta creceni como Testigon d

It's the one
coffee with
that Good to
the Last Drop
flavor!

Brieven met volledige inlichtingen werden ingewacht onder letter P. bureau
Arubaanse Courant" op Aruba.

A black and white photograph of a bottle of Seagram's V.O. Canadian Whisky. The bottle is dark with a light-colored label. The label features the brand name 'Seagram's' in a large, stylized font, with 'V.O.' below it. Further down, it says 'CANADIAN WHISKY'. The bottle is shown against a dark background.

Oduber & Kan inc.
Opticians tel. 2193

Conservacion di bo bista
ta depende di calidad di bo glas di bril.

Bausch & Lomb Optical Co. tin unicamente
glas di primera calidad.

Agente:
ODUBER & KAN
OPTICONAN DEN NASSAUSTRAT No. 47

CISCO KID

1) „Cisco... permiti mi haci...
„Danki Pancho. 2) „...pero mi no
por permiti pa otro hende...
3) „Danki... bon amigo... abo...
banja e tiro cu tabata destina pa mi
...perdonami...”




JUAN EL INTREPIDO

1) „Pa bo desgracia, Sr. polis, aní
tambe la piloto. Conque awor mi por
mata bo...” 2) „Bon, mata mi, pero
promete bo tin cu saka e hobencita foi
di aki.” 3) „Con por laga, bini aki hobn-
cita.” 4) „No, promete boso tin cu mata
emi.”



DICK TRACY

1) Asina mes herida un di e bandido-
man ta busca refugio cerca un omo cu
tin un negoshi. 2) „Tio Kent, ta ami
— Uno Hardly.” 3) „Tio
Kent — nan a tira mi... yuda mi tio
Kent.” 4) „Con, si ta un di Juan di
Charley, mi rumen hombre. Charley y
ami no a mira otro den 40 añan!” 5)
„Mi a bisa bo Kent Hardly, pa alcha
e familia gangster di bo ey foi di e
tienda aki.” 6) „Pero, no t'ami a manda
buskele.”



RIP KIRBY

1) „Pone guardia tur rond di e pira-
mide, pero mira pa boso. no herida e
mucha muher.” 2) „Nan ta net poco
loco. Pa kiko bo a bin den mi caminda,
awor nunca mas lo bo sali di aki, pero
ami si ta bai sali ora mi kier.” 3) Y
tumando un decision peligroso, Cindy
ta trata na grap e revolver cu Dr. Des-
tino tin den su saco.



EL PRECIO DEL TRIUNFO

1) „Danki, Tom, bo por bay. Laga nos
mira awor loque Laura ta bisa...” 2)
Sr. Saxon: „Awor cu e mecanico a de-
clarar, cu tabatin un defecto na e
kraantje esey mester muestra cu mi no
tabatin nada di haci cu e cambio den
e cuminda di Steve Wright...” 3)
„Asina ta cu, ya mi a fada di la
torta del espacio. Segun e frase popular
di awendia: Trahé bo mes!”



EL DIARIO DE UNA VIDA

1) „Ta Chico? Aquí ta Eva, haci mi
e favor di bisa nua cu mi mester a sali
pa algo urgente...” 2) „Danki.” 3)
„Mi jama Pablo de Rosillon...” 4)
„Mi jama Pablo de Rosillon...” 5)
„Mi jama Pablo de Rosillon...” 6)
„Mi jama Pablo de Rosillon...” 7)
„Mi jama Pablo de Rosillon...” 8)
„Mi jama Pablo de Rosillon...” 9)
„Mi jama Pablo de Rosillon...” 10)
„Mi jama Pablo de Rosillon...”



PEPITA

1) „Mi concienchi ta remorde mi... mi
ta bin juda bo cu e taponan.” 2) Rini
ata telefon ta ring. Lorenzo a bay
tumé. 3) „Tabata Heri... e quer mi
bay mira su niesa nobo di pin-pon...”
4) Lorenzo a corre bay mesora, laga
Pepita ta sigui laba e coi quibra nan.



Homogenized Pasteurized



**Sterilized
100% Safe
TRY IT!**
Spaar etiketnan,
nan tin balor.

F.A.C. contra selec- cionnan Arubano den tercer wega

Venezuela 11 - Aruba 7

(Di nos sportreporter)

ORANJESTAD —
E ultimo partido den cual un
seleccion di ABBA a hunga y pa cual
tabata reina un poco mas interes di
partido publico, a resulta e wega di
mas malo di e serie. Nada menos cu
un total di 20 error a worde cometi
door di e dos novenan. Aruba a
comete 11 y F.A.C. 9. Esakinan a
haci e total di e serie 36 ya cu den
e dos promer weganan a worde co-
meti ocho error pa banda.
E wega di Diadomingo mainta ta-
bata asina malo cu algun fanatico
tabata duna nan opinion cu nan ta
paga cu mucho mas gusto dos florin
pa presencia un partido di Little
League y no diez plaka pa weita un
wega di seleccion di AA. E opinion
aki den un tono fuerte ta expresa e
triste realidad. Nos no por corda cu
den henter e campeonato di Little
League tabatin un partido den cual
un total di 20 error a worde cometi.
Cu razon e fanaticonan ta mucho
mas interesa den mira e hoben pe-
loronan di Little League den accion.

Ya den e promer inning FAC a
anota cuatro carrera y explota pitcher
abridor Ramonito Guerrero. Esaki a
habri reglando base por bola na Ren-
gifo y Uribe. Antoni ta promer out
cu fly pa centerfield, pero Perez ta
conecta single empuhando su com-
panjeronan. Agumero ta bin pitchea
na lugar di Guerrero y ta worde
ricibi cu hit di Castillo. Diaz tambe
ta embasa pa error di leftfielder,
mientras cu Tovar ta sigi cu hit.
Reveron a sali di pitcher pa primera
y Herrera, e novena homber den line-
up, ta poncha pa cerra e inning.

Aruba ta responde cu un carrera
den e mes inning. Harry Bliden ta
habri cu infieldhit. Roller di Pep
Richards pa segunda ta forza Bliden
na e base ey. Passball ta permiti Pep
yega segunda, mientras cu hit di
Jossyto Muiyale y error di e leftfielder
ta duna Pep chens di anota.

Den e segundo inning Venezuela ta
bolbe anota cuatro carrera. Atrobe
Rengifo ta habri cu base por bola y
luego ta roba segunda. Uribe ta
rolatea pa tercera y e tiro di Paus
Ruiz ta bon, pero primera base Hoff-
tizer ta comete su segundo error,
tercer di e equipo, loke ta worde
provecha door di Rengifo pa yega
tercera. Hit den rightfield conecta
door di Antoni ta empua Uribe for
di segunda. Rengifo promer cu esey
a worde sorprendi door di tercera
base Ruiz cu e triki di bala scondi.
Perez ta embasa cu error di tercera
base. Castillo ta sigi cu hit den cen-
terfield empuhando Antoni, mientras
cu Perez ta yega tercera. Esaki tabata
basta pa pitcher Agumero y Charles
Ponson ta worde yama atrobe pa
releva. Buscando di sorprende e cor-
redor na tercera, catcher Eric Ponson
ta haci malo tiro y Perez ta provecha
pa anota. Diaz ta ricibi base por bola
atrobe. Tovar ta conecta rolling pa
short y e tiro pa home ta perfecto
caminda e corredor Diaz ta out visto
ya cu e no ta bisa home, pero chief
umpire Aparicio ta yama e hugada
safe. Despues di doble robo, Re-
veron ta embasa pa deadball poniendo
tres na base. Herrera ta come su
segundo ponche y Rengifo ta fly out
pa segunda pa cerra e inning. E venta
di FAC a aumenta te 8-1.

Un carrera ta worde anota door di
Aruba den cierre di e mes inning.
Eric Ponson ta habri cu hit, pero ta
worde saka pa Feki Caster como
corredor. Nunez ta embasa cu dead-
ball y Paus Ruiz ta sigi cu hit den
hardin central empuhando Feki Cas-
ter. Pero e tres siguiente bateadornan
ta sali cu fly out pa termina e inning.

Dos biha mas e venezolanonan ta
cruza home den e tercer inning. Error
di segunda base Pep Richards, kende
sigur no tabatin su mihor, ta permiti
Uribe embasa. Esaki ta roba segunda,
mientras cu Antoni ta come ponche,
mesos cu Vagas, pero esun cu a
pensa cu e inning lo termina sin
carrera a keda ekiboka pasobra mas
error den infield a percura pa e
carranan. E siguiente bateador Cas-
tello a rolatea pa short y e tiro di
Jossyto Muiyale ta mal anotando
Uribe carrera number nueve di su
temp. Castillo ta roba tercera y ta

lesiona su pia siendo sustitui pa Vivas.
Un biha mas Diaz ta ricibi base por
bola. Ora cu e ta sali di roba segunda
catcher Caster ta haci tiro en vano
pa haci out, pero Vivas ta probacha
anota for di tercera. Robando ter-
cera. Robando tercera si Diaz a worde
saka pa di tres out.

Carrera number 11 di FAC ta bin
den inning number cuatro. Tovar cu
a habri cu hit ta yega segunda cu
passball. Despues cu e dos siguiente
bateadornan ta worde saka, Tovar ta
sali di robo pa tercera. E tiro pa e
base ey ta perfecto, pero e antelista
Ruiz ta comete error y Vivas ta sigi
pa home cu e ultima carrera di su
equipo.

Despues di e hit aki di Tovar den
e mes inning Rengifo ta pone un
toque di hit, pero luego ta te den
e noveno e venezolanonan ta logra un
incogible contra di e lanzamientonan
di Charles Ponson.

Aruba a anota un carrera den e
cuarto inning. Feki Caster a habri un
hit, Sharpe ta worde yama como
pinchhitter na primera, y ta worde
forza na segunda ora cu Nunez ta
rolatea pa primera. Paus Ruiz ta muri
cu fly den rightfield, pero Luisito
Ogenio ta conecta tubey den left
empuhando Nunez.

Dos biha e arubianonan ta cruza
home den e septimo. Bliden cu a
habri cu hit ta worde forza na segunda
ora cu Wilson ta rolatea pa short,
pero como cu ta sigi dos tiro malo
den cuadro Wilson ta logra yega ter-
cera. Muiyale ta sali di pitcher pa
primera. Tenchi Hofftizer ta conecta
hit empuhando Wilson. Un balk di
pitcher Herrera (e balknan cu e pitch-
er aki a comete tabata hopi, pero
esaki tabata un di e poconan cu e
umpirenan a canta y tabata te des-
pues cu coach Luis Swaen a reclama
varios biha) ta pone Tenchi na es-
gunda, for di unda e ta anota ora
cu Sharpe ta hita den leftfield.
Nunez a cerra e inning cu rolling pa
primera.

Air Condition your home

Den box pa FAC como pitcher den
e octavo inning a presente Izcary.
Contra di e lanzador aki Aruba a
anota dos carrera, uno den e octavo
y otro den e noveno.

Hamlet a habri e octavo cu linea
di hit den left. Un roller fuerte di
Charles Ponson ta forza Hamlet na
segunda, pero e corredor aki a per-
cura pa e doble manzana no tuma luga
ora cu e la dal fuertemente contra
di e camarero Tovar. Un halisimo fly
di Bliden den rightfield ta bira tubey
ora cu e fielderman ta perde e bala
den solo. Infieldhit di Wilson ta em-
puha Ponson for di tercera. Bliden
cu a trata di anota tambe arriba e
infieldhit ta worde saka di shortstop
pa catcher.

E carrera den noveno ta worde an-
ota ora cu Jossyto Muiyale ta habri cu
base por bola, bai te tercera pa mal
tiro di catcher pa primera. worde
cambia pa Guillermo Richardson
como corredor, y esaki ta bin home
cu mal tiro di e tercera base arriba
cu e fielderman ta perde e bala
den solo. Infieldhit di Wilson ta em-
puha Ponson for di tercera. Bliden
cu a trata di anota tambe arriba e
infieldhit ta worde saka di shortstop
pa catcher.

E partido a termina cu score di
11-7 na favor di FAC, cu asina a
gana e serie 2-1.

Pitcher Guerrero a lanza durante
1/3 inning, permiti 1 hit y regala dos
base por bola pa 3 carrera. Agumero
a lanza 1 inning completo permiti
cuatro hit, regala un base por bola,
poncha 1 pa 5 carrera. Charles Pon-
son a lanza durante 7 2/3 inning,
permitti tres hit, regala tras base por
bola, poncha 5 y permiti tres carrera.
Aruba a comete 11 error.

Pitcher Herrera (ganador) a lanza
7 inning completo, ricibi 11 hit, sin
regala base por bola, sin poncha nin-
gun pa cinco carrera. Izcary a lanza
1 1/3 inning, permitti tres hit, regala
2 base por bola poncha 0 pa 2 car-
rera. Oliveros a pitchea 2/3 inning,
sin permitti hit, ni regala base por
bola y ponchando uno.

F.A.C. 442100000 11
Aruba 110100211 7

E serie asina a worde gana door di
e novena venezolano FAC. Di un
gran baseball nos no por bisa cu nos
por goza, ya cu e visitantenan a hunga
un pelota mediocre y nos muchanan
a hunga un pesimo. E total di 36 error
den un serie di tres partido ta duna
un average di 12 error pa wega, loke
no ta digno di un baseball AA. Nos
a bolbe hanta e impresion durante e
serie cu tin varios hungador cu ta
worde selecciona y sin embargo no ta
duna tur loke nan tin pa e equipo.
Nan no ta „hustle” den ningun in-
stante y nan ta dun e impresion cu
no ta importanan kende gana of
perde. Peor ainda ta pasa cu e hunga-
dornan cu ta worde avisa pa bin
hunga y ni sikiera ta presenta na
tereno. Nos ta kere cu directiva di
ABBA mester tuma paso contra di
cierto hungadornan cu no ta respecta
disciplina y ta haci exactamente loke
nan kier cada rato.

Y na e resto di hungadornan nos
ta consehanan pa nan practica mucho
por tin un novena fuerte cu por re-
presentar nos isla dignamente.

W
A
T
K
A
N
K
A
N
K
A
N
K
A
N
A
L
L
E
E
N

Pa e mihor
Regalanan
di cumple-
anjos